

朱慶瀾將軍爲宋哲元部二十九軍報捷並乞助三電

(一)茲據喜峯口來人談：日軍連日。以步砲空及鋼甲車聯合向我喜峯口宋部陣地。大舉進擊。宋部大刀隊。初伏壕不動。後故佯退。同時調修趙兩旅分左右兩翼抄襲。敵人不察深入。大刀隊突起砍殺。奮勇直前。激戰三晝夜。雙方層層包圍。此時敵人機砲。均矢效用。而我方士卒。咸抱必死決心。白刃相接。敵軍初猶頑抗。繼被砍殺過半。慌遽求饒。其兩個旅團。正繳械中。喜峯口經此血戰。敵幾告肅清。請予補充接濟。醫治傷亡。等情。除發去大批慰勞品。補發彈藥。并將傷兵妥爲安插外。特聞。朱慶瀾叩元(十三日)印

(二)上海各公團公鑒。元電未能詳盡。茲據前派赴宋哲元部慰勞人員由喜峯口回稱。宋部接防喜峯口時。日軍已有萬餘人。追蹙萬福麟部。萬部退到遵化。始與宋接頭。故敵已進襲山口。將長城佔領。宋軍長因前線情形緊張。乃立下令各部。由遵化跑步赴喜峯口。凡一百十餘里。大半日即到。由馮治安部擔任正面。馮即下。「有進無退。死而後已」。八字口令。另挑五百名大刀隊利臂衝鋒。爬登長城。敵素輕視中國軍隊。不足一擊。忽遇此非常硬漢五百。措手不及。千餘日軍。悉被砍殺。而此五百名健兒。亦多數犧牲。生還者只三十餘人。悲壯義烈之舉。足掃頹靡無恥之風。當時敵軍即以全部大砲密集轟擊。馮部乃離壕出線百步。伏避各山幽僻處。凡三小時。敵以我軍大部掃滅。乃以步兵衝鋒而上。時宋已口令各部

。仍回原壕。不動聲色。不發一槍。這敵臨近戰壕數十步時。於烟礮未落之中。突起砍殺。當將日軍一千五百人。盡數解決。敵驚懼。以爲天兵。乃皆謀佔山頭。依勢逃竄。宋部偵清敵情。乃於夜間令趙旅出潘家口。修旅出董家口。施行夜襲。摸索進攻。將日後方砲兵陣地襲陷。計所獲得大砲。已點出者十八門。其餘甲車槍械物品無算。遍山盈谷。遺棄皆是。正在清查中。總值約在千萬元以上。日軍被困。東西逃竄。我大刀隊勇敢直前。分頭搜殺。餘敵現已盡數解決。宋部採白天休戰。夜間襲擊辦法。使敵飛機甲車。失其效用。每夜至少砍敵日軍千名以上。截至現在。總計被俘虜及死傷者在萬名左右。洵屬空前勝利。附近遵化民衆。對宋部極表同情。羣起接濟。足徵果有真正抗日不擾民衆隊伍。民衆固敵愾同仇也。現正續派員携慰勞品。並廣爲布置醫院。救治傷兵。尙望各方實力援助。以期一鼓作氣。直搗黃龍。收復失地。爲盼。朱慶瀾叩寒。

(三)上海日報公會各報館轉各公團各界同胞均鑒。承德既陷。敵勢益張。連日以全力猛攻我長城各口。企圖扼我腰膂。進窺中國。幸前方將士用命。誓死拒敵。喜峯口一戰。殲敵逾萬。獲戰利品無算。價值在千萬元以上。古北口冷口各地。亦浴血激戰。敵不得逞。經過情形。詳見各報。勞我袍澤。苦戰經旬。衣敝履穿。在在皆是。除應需物品。由本會隨時盡力援助外。現在前方急要之需。首爲防毒面具。及褲褂鞋襪。切望各界同胞。念國亡之無日。痛戰士之犧牲。竭力捐助。俾應急需。而資殺敵。多寡不拘。以速爲妙。遼吉黑民衆後援

會朱慶瀾叩。刪。

朱慶瀾電滬各界請籌款購藥接濟宋軍巧電

各界諸公均鑒。喜峯口之敵慘敗後。連日以大部飛機轟炸我陣地。以爲牽制。一面於十六日以混成一旅以上兵力。急進猛撲我羅文峪陣地。希圖擾我後方。經宋部劉師長汝明率兵三團迎擊。激戰一晝夜。敵以排炮集中火力射擊。並以飛機數十架擲彈轟炸。我軍屹然不動。嗣劉師長赤臂提刀。率衆撲敵。砍殺四五百人。連破敵防線二道。俘敵將校五員。奪獲槍砲子彈甚夥。敵少數潰逃。大部殲滅。刻正增加援軍。進圖喜峯口中。不日當有惡戰也。前方物質缺乏。血戰幾至無資。至於傷亡將士。亦亟待救濟。言念及此。不勝悲痛之至。諸公愛國心切。想必更甚於瀾。務懇速籌巨款。多集藥物。飛運前方。以應急需。實爲至盼。

朱子橋將軍慰勞宋總指揮函

明軒仁兄主席勳鑒。強敵犯境。悲憤同深。喜峯口方面。連日激戰。屢挫兇鋒。固由將士用命。亦見指揮有方。既欣且佩。關於前方所需。自當盡力援助。電台電匣鞋襪等項。已爲補充。茲派全幹事紹武馳往前方。攜帶食物。代致慰勞之意。即希賜洽。前方戰士。爲國家民族爭光榮。此後仍當作爲後盾。以慰忠勤。專此佈達。順頌勳安。弟朱慶瀾。三月十一日。

宋總指揮復謝朱子橋將軍函

橋老將軍道鑒。張幫辦俊傑及劉何喬諸同志到防。面達尊旨。並承惠贈炸彈一千六百枚。綳帶包四千。汽車兩輛等件。正資需用。銘感曷既。殺敵救國。乃軍人應盡天職。益以惠

賜慰勞。更足以鼓勵精神。振作士氣。弟素抱有進無退決心。此後惟有督率健兒。殲厥醜虜。期有以副台端之嘉許耳。尙望時惠南針。藉資遵循。無任盼禱。不盡之處。及前方情形。統託張幫辦面詳。專肅鳴謝。即請勛安。弟宋哲元拜啓。三月十四日

窮老書生捐資慰勞宋軍

三月二十四日大公報載。本社昨接到署名窮老書生者。捐洋百元。指定捐助宋哲元部前敵將士。暨後方醫院洋各五十元。原函云。國難當頭。有人拚人。有錢拚錢。全國民衆總動員起來。這纔算共赴國難。這纔能共與救亡。不佞自九一八事變以來。卽是如此主張。曾經投登各報。現在國難又加十分嚴重。家破國亡。已在目前。前敵將士。搏血肉。冒槍彈。死傷疊疊。觸目慘心。而匿身租界之資本家。與夫散處內地之富有財產者。猶自慳吝齎齎。不肯破費。不知國之不存。家於何有。財於何有。明末李自成入京。對於諸大老之拷掠搜索。及現在各地之被擄被搶被架。多藏厚亡。可爲殷鑒。不佞以老病腐儒。避地津門。橐筆自給。苟延殘喘。而以戒娛樂。減浮費。節縮所入。捐於馬占山。捐於十九路軍。捐於安營長。捐於慰勞。捐於印刷。在在皆有。亦經登之貴報。惟爲數甚微。每用歉然。然力量已盡於此。倘國人各自量力。以此比例。定可於事有濟。且去年十九路第五路血戰上海時。國內外捐款捐物。合計何止千萬。全國動員。震爍天地。甚足以激發將士忠義之氣。現宋哲元等戰績。足與滬戰媲美。爲國家增光。爲民族吐氣。而回顧國內。民氣沉寂。雖捐助錢物。亦有其人。但大半係男女學生。窮苦工民。數目零星。比之上海之戰。相差懸絕。華北半壁。關係全國存亡。呼吸一瞬。少縱卽逝。願我海內外父老兄弟姊妹速起圖之。不佞七拼八湊。湊足百元。祈以五十元捐助宋哲元前敵將士。以五十元捐助後方醫院。區區之私。并懇賜登報端。此請撰安。

僑津窮老書生謹啓

宋總指揮招待報界報告克敵詳情演詞

宋哲元總指揮。赴保謁見蔣委員長。請示軍事機宜。於三月二十日返平。同日午後二時。在其駐平辦公處招待新聞界。報告所部作戰經過。茲錄其演詞於後。

中國爲一四萬萬人之國家。今日竟受一幾千萬人之國壓迫。此真是令人痛心。敵人對我國土地用蠶食政策。拿去東三省尙以爲不足。進而取錦州。再進奪山海關。仍盡一步一趨前進。我人忍無可忍。只好用兵抵禦。人人都存與敵一拚之決心。蓋凡軍隊之開拔。往往須籌備數月之久。需索開拔費。惟此次則不然。一聞開去抗日。便不顧一切。立刻出發。此一點卽足證明我中國人心之不死。在熱河方面之我方軍隊。因中敵人之緩兵奸計。一切軍事上佈置。遂皆未能妥善。致爲一百二十八名日本士兵佔領承德。毋怪日人趾高氣揚。認爲係破天荒空前之奇事。敵人既進佔承德後。復思由喜峯口衝出。擾我平津各地。我二十九軍便在該地予以抵抗。第一日彼此相遇卽開火接觸。敵人不得逞。第二日敵方下令限兩日以內。將喜峯口攻下。於是服部鈴木兩旅團便猛烈向我攻擊。我軍抱定有進無退死而後已之決心應戰。兄弟曾論全部士兵。爲保存中華民族精神。盡軍人捍衛國家。保護人民之責任。大家都須在前方作一個犧牲者。而不必在後方作一個成功者。故全軍都抱必死之心。以肉軀熱血禦敵人之飛機大砲。終於令敵人吃相當之大虧。第三日我方因爲敵人氣餒。便暗派兩旅部隊。抄其

後路。實行大包圍。放火燒其給養。設當時兵力再多一部。敵人恐一個也難逃出。敵人以喜峯口不能成功。便派兵一營轉攻我右翼董家口。我方也增兵一團一營以應戰。又將敵人打退。此役敵人傷亡約六七百名。其在左翼者係騎兵一連。步兵一連。均完全消滅。雙方傷亡比較。我方連喜峯口之役共約三千人。敵人至少在三千以上五千以下。敵人進攻既不得逞。十六日晨。以五千人之衆。偷擊羅文峪。其中正式日軍約有兩千。其他爲朝鮮蒙古熱河各雜色部隊。第一日晚攻擊未能成功。第二日自清晨六時起。至晚六時止。敵人完全用重炮轟擊。佔領一高山頭。夜間我方派兵一營。抄襲敵人後方。敵不支退去。我軍遂又將山頭奪回。白天敵人又想來奪。我軍奮勇死守。雙方刺刀肉搏數十次之多。我方又加上劉汝明師生力軍一部作戰。至十九日爲止。敵人傷亡。又有二千名左右。已自動向後撤退十數里。我軍自九日上午十二時與敵接觸起。至十九日晚止。無日無戰。最小限度亦須傷亡數十人。現可謂決戰已定。敵軍總算失敗。但相信其不久。當謀報復。敵人之飛機場。設於距喜峯口一百八十里之平泉。我軍受其害者甚少。總計不過一百餘人。官長中有一排長炸斃。十九日下午。敵機七架飛至遵化。共擲彈三十餘枚。炸傷百姓九人。兵士二名。依個人推測。以敵方現有之兵力。無論如何。決無進攻能力。但信其補充後必再重來。羅文峪與遵化相隔僅二十里。日如占領後。則喜峯口與冷口各地。均完全受其威脅。而我腹背受敵。敵人之探報。謂我方該處兵力空虛。故乘機來奪。不圖我方先一日已增兵兩旅防守。故能將其擊潰。我軍曾俘獲日團

長階級之官長一員。搜出作戰計畫與地圖多幅。中有偽國地圖一。不獨熱河在內。察綏冀魯各省也均劃入。可證日本非據東三省即可滿足。尚有併吞華北之野心也。本人於去歲七月八日曾致函張漢卿氏。貢獻抗日意見。大意謂日人之蠶食我國。其心目中不獨不以中國爲國。中國人爲人。且無世界。熱河平津彼必進擾。以發揮其侵略行爲。我方能配備五萬人守熱。三萬守山海關。三萬守平津。當有備而無患云云。設若照行。有二萬人在平泉。三萬人在三家子。則日人雖可奪得熱河。亦必須打一個相當時日。不意事與願違。曷勝浩歎。世界各國時以爲中國人甘心作亡國奴。故雖有主持公道者。現亦作觀望之態度。在保定晉謁蔣委員長。知蔣公抱有大決心。現正籌劃軍事機宜。稍緩當將派出向前挺進之部隊。蔣公並派龐炳勛軍及沈克部加入所部。龐部約有二萬。沈有四團之衆。皆久經戰鬥之將員。將來敵人卽有三師加入。亦不成問題矣。

個人以爲中國可戰之士。至少有五十師。日本不過三十師。雖傾巢以來。我方亦可無慮。況日本勞師動衆。如有十萬人戰死。其國內必發生問題。最後之勝利終屬於我。我軍現採夜戰近戰策略。使敵之大炮一切武器。無所逞其能。本人至遲明後日防回云云。

宋總指揮弔本軍死綏將士輓聯二則

七尺大刀奮如湍。衆志偕亡。時日將喪。猶夏已三年。才歇破膽兼寒膽。
十萬軍聲齊奏凱。諸君用命。吾儕何功。同袍惟一慟。虛懸宗爺與岳爺。

其二

橫磨十數萬。唱籌增寇。久困飢寒。偏能一意同仇。誓殲狂華。寰海猶相驚。共說英名光汗簡。
鼎定廿餘年。猿鶴蟲沙。全歸浩劫。惟此高樓義戰。甘爲國殤。英靈真不死。常留正氣壯河山。

陸軍第二十九軍軍長

宋哲元啓

敬啓者敝軍喜峯口羅文峪各戰役仰托國威幸挫敵鋒禦侮捍患本爲軍人天職平時受國家教養奮勇殲敵分所當爲迺蒙各界贊許辱勞慰問函電頻頒物品遠餽隆情厚意感愧莫名失地未復何敢言功頑寇當前職責愈重惟有矢志殲敵爲國効忠用副各界期許之意軍事倥傯誠恐答謝未週用特登報鳴謝諸希鑒原是幸

宋哲元率全體將士鞠躬

陸軍第二十九軍特告商民抗日辦法

四

- 一、地方父老及男女同胞們！快與軍隊連合起來打倒日本人。
- 一、我們都是中國的國民。被日本人逼迫的我們不能活。搶我東三省！搶我錦州城！奪我山海關！殘殺我同胞！
- 一、我國不怕日本的大砲飛機。我們有民族不怕死的精神。我們有大刀。手槍。炸彈。日本人用遠戰。晝戰。我們用近戰。夜戰。
- 一、我們將城防修理堅固。不使日本進我的城。我們村子打起圍子來。不使日本人進我村莊。我們的連莊會辦起來。以抗日本。
- 一、我們十個人拚死一個日本人。都是光榮的。
- 一、我們捨命與日本人一拚。我們就對起我們的祖宗。也對的起我們全國同胞。

國民政府林主席祝賀電

華北軍第三軍團宋總指揮勛鑒奉主席諭蒸亥真未參電悉我軍堅守要隘該總指揮暨諸將士忠勇足式良深厪念寇焰猶熾希仍督飭將士努力奮鬥保我疆土是所切望等因轉達國民政府文官長魏懷叩元印

軍事委員會蔣委員長中正祝賀電

宋總指揮明軒兄勛鑒文酉元酉寒及寒已午參電悉重創強敵具見指揮有方將士用命至用嘉慰前線各情仍盼隨時續報中正刪印

行政院汪院長兆銘祝賀電

北平宋主席明軒兄勛鑒頑敵入寇肆其貪殘兄等迎頭痛擊迭奏奇勛英風所播中外凜然弟在歐聞熱耗忽忽歸國途中欣悉兄等壯烈奮鬥情形不勝感奮仍祈繼續反攻恢復國土民族存亡實繫於諸兄及前方諸將士之奮鬥弟今晨抵京仍服務中央黨部隨國人後共圖規復謹先電問並致敬意兆銘叩

監察院于院長右任祝賀電

宋明軒軍長鑒寒電欣悉要塞收復狂寇潰退逃聽捷音舉國忭躍特電布復佇祝奇勳
于右任銑

立法院孫院長科祝賀電

捷報飛來雀躍再四尙望再接再厲一鼓殲敵還我河山懲彼醜虜燕雲北望母任神馳
孫科寒印

考試院戴院長傳賢祝賀電

宋總指揮助鑒迭奉捷音敬悉禦侮殲敵屢挫凶鋒捍衛國家功成不世望益奮神威爭
光民族貴部將士並懇代爲慰勞爲禱弟戴傳賢巧

國聯顏顧郭三代表祝賀電

宋軍長明軒兄助鑒貴軍奮勇抗敵中外同欽捷報頻傳特電馳賀馮師長治安張師長
自忠劉師長汝明李旅長經田李團長曾智均此不另顏惠慶顧維鈞郭泰祺叩漾

宋哲元部長城血戰記

力挽狂瀾之民族英雄

日本報紙亦說：「明治大帝造兵以來之皇軍名譽。盡喪於喜峯口外。而遭受六十年來未有之侮辱。日支日俄日德歷次戰役。戰勝攻取之聲威。均爲宋哲元剝削淨盡。」

怒髮衝冠。憑欄處瀟瀟雨歇。擡望眼。仰天長嘯。壯懷激烈。三十功名塵與土。八千里外雲和月。莫等閒白了少年頭。空悲切。靖康恥。猶未削。臣子恨。何時滅。駕長車。踏破賀蘭山缺。壯志飢餐胡虜肉。笑談渴飲匈奴血。待從頭收拾舊山河。朝天闕。——宋岳飛滿江紅詞——

塞外悲風切。交河冰已結。瀚海百重波。陰山千里雪。迥戍危烽火。層巒引高節。悠悠卷旆旌。飲馬出長城。寒沙連騎迹。朔吹斷邊聲。邊塵清玉塞。羌笛韻金鉦。絕漠干戈戢。車徒振原隰。都尉速龍堆。

將軍旋馬邑。揚塵氛霧盡。紀石功名立。荒裔一戎衣。靈臺凱歌入。——唐太宗飲馬長城窟行——

倭奴肆虐。毒痛吾華。東北淪陷。淞滬繼擾。猶復封豕長蛇。得寸進尺。指熱河屬僞國。畫長城爲國界。率彼羣醜。大舉內犯。狼子野心。顯欲囊括華北。助成復辟。以爲達其并吞全華之第一步。國家養兵。原爲禦侮。熱邊天險。尤足憑恃。顧竟大軍沿途鳥散。守將望

風鬼逃。致令百二八逆賊。長驅入省。數千里河山。旬日變色。長敵凶醜。挫我銳氣。騰笑友邦。貽譏史冊。吁。衡古今。實開創例。讀古人「厥角稽首」二百州。正氣掃盡山河羞。」十四萬衆齊解甲。竟無一個是男兒」之句。不禁悲從中來。肝腸寸斷。回溯彼十九路軍。染血申江。直使我北方健兒。愧死無地也。

疾風識勁草。盤根別利器。伊古以來。每值外族憑陵之會。即爲我民族英雄。大好男兒。大顯身手之日。不有安史之亂。何以成郭汾陽之勛業。不有金虜之寇。何以顯岳武穆之精忠。胡元深入嶺南。文信國緣以成仁。滿清進迫江左。史可法遂得效忠。此次倭奴得熱以後。驕氣橫溢。銳意南犯。大有整個華北。全在握中之概。又庸知我宋總指揮哲元所部之二十九軍。以太古式之兵器。——大刀。竟將彼自誇爲具有最新式武裝——飛機。鐵甲車。唐克車。及極完備之運輸系統——之賊兵。殺得累屍萬餘。血肉狼藉。即其本國報紙。亦謂爲一明治大帝造兵以來之皇軍名譽。盡喪於喜峯口外。而遭受六十年來未有之侮辱。日支日俄日德歷次戰役戰勝攻取之聲威。均爲宋哲元剝削淨盡。——神氣沮喪。可見一斑。雖局部抵抗之效力。不過至此而止。證以去年今日淞滬喋血之成例。褊狹淺敬之島夷。勢將惱羞成怒。傾巢來犯。終冀一逞。以雪此恥。不禁爲捋龍鬚。探虎口之宋將軍及所部健兒危。但俾就截至現在爲止之忠勇收穫。固已足爲民族爭光。爲正義吐氣不少。而無愧爲一力挽狂瀾。流芳青史之民族英雄也。

嗚乎！崑崙失火。玉石俱焚。覆巢之下。安有完卵。觀長蛇封豕之荐臻。憂猿鶴沙虫之俱盡。眼看江山。對新亭而灑淚。心非木石。臨中流而擊楫。匈奴未滅。去病何以家爲。南越不庭。終軍當請纓去。所望熱血軍人。憂時志士。執戈殺賊。從汪錡以衛社稷。投筆從戎。繼班超而總師干。庶聞雞舞劍。羣懷復楚之心。嘗膽臥薪。終有涓吳之日。倭奴倭奴。看爾橫行到幾時。神獅神獅。願汝奮起在今日。國人有聞宋將軍之風而興起者乎？雖爲執鞭所欣慕焉。

宋總指揮及二十九軍小史

厚重少文

論者擬爲漢之周勃

莫捐資以東。屏藩千里披雄風。莫捐資以西。畦町萬頃哀黔黎。遼東遼西捐不得。蠶食蟬及河之北。貔貅百萬何所爲。寇讎酣睡臥榻側。一寸山河一寸金。誰使版圖遞易色。君不見燕雲崛起宋將軍。孤軍抗敵身許國。又不足二十九軍諸健兒。手執閃灼白刃去殺賊。盤根錯節利器別。佇看燕然銘早勒。

宋總指揮。名哲元。號明軒。山東樂陵人。父湘及公。入縣東庠。補廩餼。有道德能文章。爲一邑碩望。宋氏幼承庭訓。家學淵源。故品格學業。成就均有可觀。因清季停止科學。無進身階。兼以目覩國勢陵夷。舍武力外。殆無可以致強圖存之道。爰於民元投筆從戎。

自後二十餘年間。遂繼續置身軍界。無間歲焉。宋氏極重視舊道德。居恒以忠孝二字。自勉勉人。宅心醇厚。省察切密。雖大儒亦不是過。爲人厚重少文。出言訥訥。衣履無華。乍視之殆類常人。然治事鉅細靡遺。大節尤不稍苟。往往不動聲色。建樹奇勛。故論者竊擬之爲漢之周勃焉。

民國三年。宋氏隨陸軍第七師十四旅旅長馮玉祥氏入陝。勦白狼於子午鎮。首擊破之。是爲嶄然露頭角之始。後歷駐防川冀蘇鄂湘豫陝等省。迭次參加討伐張勳復辟戰役。討伐陳樹藩戰役。十年。馮氏陞任第十一師師長。兼陝西督軍。宋氏亦陞任張之江旅下團長。十一年。第一次直奉戰役爆發。宋氏隨軍出關。趙倜乘虛。擊馮軍於鄭州東。宋氏屢率二三人。進薄敵壘。脅之繳械。因得以四五營衆。破敵四五十營。自是。人皆佩其勇。事平。馮調任豫督。於十一師之外。復招募補充學兵各團。旋經中央核准。增編三混成旅。宋氏任第二十五混成旅旅長。進將軍府將軍。是年秋。馮被吳忌。調陸軍檢閱使。鞏衛京畿。宋駐南苑。專事練兵。成績斐然。實開國民軍後日繁昌之基。十三年秋。國民各軍。班師回京。推翻曹吳。部隊擴充。翌年。國民一軍。將所部改編爲四師十一旅。宋氏陞任十一師長。同年冬。郭松齡反奉。宋氏奉命直搗熱河。爲郭聲援。旋繼閻朝璽任熱河都統。無何。天津戰起。乃率三混成旅參加。迭著戰勛。直督李景林。被迫出走。十五年春。國民軍退守南口。與奉直聯軍鏖戰。宋氏受命爲北路總指揮。乃率部由熱退察。指揮韓復榘石友三陳毓耀王義元等部。

。擔任由南口極左翼至多倫之線。同年夏。晉軍與國民一軍發生誤會。戰事爆發於晉北雁門一帶。宋氏與鹿鐘麟。分任西東兩路軍總司令。兼任綏遠都統。（迄未到任。由蔣鴻遇暫代。）十五年九月十七日。馮玉祥氏由俄返國。誓師五原。重整旗鼓。肅清陝甘後。即於翌年五月大舉北伐。宋氏駐節寧夏。被任爲北路軍總司令。擬由包頭綏遠反攻北京。因閻錫山未便即刻表明態度。卒未成行。馮至豫後。任宋氏爲第四路總指揮。兼陝省主席。坐鎮關中。以次剪滅後方各反革命隊伍。如麻振武。田玉潔。黨玉琨。韓有祿。黃得貴等。籌措餉需。鞏固後防。厥功不小。十八年夏。馮氏入晉。宋氏權攝總部事務。十九年春。宋辭陝西主席。率部入豫。迨晉軍蹉跎於魯。奉軍乘隙入關。馮氏鑒於事無可爲。北退晉南。宋亦率部相從。自後輾轉乞食於晉南介休新絳各地。械彈固極匱乏。衣食且虞不給。境况窘迫。難以筆述。後奉中央命令。改編爲陸軍第二十九軍。以宋氏任軍長。馮治安（字仰之。河北故城人。民元馮玉祥氏任左翼備補軍第二營營長時。至河北景縣募兵。馮治安氏與孫良誠孫連仲劉汝明等。同時入伍。曾任二集團第四路副總指揮。）張自忠。（字蠡臣。山東臨清人。曾任二集團軍軍官學校校長。及軍長。）二人任師長。調防晉東陽泉平定一帶。去春。奉命增編一師。以劉汝明（字子亮。河北省人。南口戰役時。擔任南口正面防禦。曾任二集團軍總指揮。）任師長。秋季。復奉命兼任察哈爾主席。乃調馮師趙登禹旅駐張家口。張師黃維綱旅駐宣化。擔任剿匪。餘仍留晉訓練。觀上所述。足知宋氏實爲一身經百戰之大將。所屬官兵

亦皆久受訓練。有勇知方。其所以能迭摧頑敵。克奏奇勛。殆非偶然也。

宋總指揮之特殊練兵精神

一步一個腳印 作事針針見血

夜打晝不打 近打遠不打

好同胞呵好弟兄。給你說說大事情。我國新近大慘案。發生就在山東省。日人無禮來欺我。派兵攻打濟南城。三千矮鬼如禽獸。機槍大礮一齊轟。無線電台被破壞。所有民房一火焚。打死許多革命軍。打死許多老百姓。軍人死了五六千。百姓死了兩萬零。男的殺了還剖腹。婦女未殺先姦淫。可憐老少都遭劫。三歲兩歲活不成。你們都是血性漢。爲人要緊勇與忠。你們都有父與母。都有妻子與兄弟。他們都是老百姓。百姓是我骨肉親。日人殺我老百姓。就是殺我骨肉親。可憐父母與妻子。可憐弟兄與友朋。一個一個遭慘殺。你我活着如禽獸。再說百姓養你我。都是你我主人翁。我們主人被凌辱。你我應當把命拚。主人養了一隻犬。還要看家來守更。主人養了一隻貓。亦能殺鼠來盡忠。我們這些革命軍。不如貓狗枉做人。大家快快來覺悟。立志救人救己身。民族應當知自決。倚靠別人萬不成。叫聲有志好英雄。斗聲同志快醒醒。國家將亡種將滅。救國救種靠我們。活着受辱不如死。一死救國多光榮。爲人個個都有死。死無價值草木同。打起精神壯起胆。兩根硬骨撐一撐。有了日人沒有我。有我日人活不成。

節目二十九軍濟南慘案後所唱救國白話歌

我軍人。練體操。精精越練越高超。器械應用均熟習。如同硬漢子一條。一日操。日日操。

手眼身法步武精高。百鍊筋骨成鐵漢。將來爲國立功勞。勸我軍人。勸我軍人。勸我軍人。勤學體操。勸軍人。貴剛強。心志性情要鏗鏘。男兒生在寰球上。烈烈轟轟幹一場。不怕敵。不怕槍。一腔熱血滿腹熱腸。果能効命疆場地。堪增歷史之榮光。勸我軍人。勸我軍人。最貴剛強。

——二十九軍體操剛強歌——

誓遵道德。

切實履行。

忠孝信義。

仁愛和平。

誓扶正氣。

強固國家。

存誠去邪。

掃盡浮誇。

誓絕嗜好。

強身是圖。

煙酒嫖賭。

嚴厲戒除。

誓守紀律。

樹立軍聲。

如有違犯。

執法嚴懲。

誓愛民衆。

親如父兄。

恭敬護惜。

保持安寧。

誓禦外侮。

勇敢直前。

光我民族。

雪恥保權。

遵此六誓。努力實行。同心同德。奮鬥犧牲。凡我同胞。願其勉之。

——二十九軍二十一年官兵新決心——

宋總指揮哲元。爲舊西北軍高級將領中之健者。其訓練官兵。頗具特殊風格。與西北軍創造者馮玉祥將軍殆相似。故欲深澈了解此次二十九軍。眞奮鬪。肯犧牲。迭奏奇功之由。便不得不將宋將軍特殊的練兵方法。分精神訓練。技術訓練二項。簡單介紹於下。

(一)精神訓練方面 宋將軍實爲一腳踏實地。重實際不尙空談之軍人。故其訓練官兵所提出之口號。如「一步一個腳印。作事針針見血」。「作事要五到。眼到。手到。口到。心到